

太上洞淵神呪經卷之四

始四

太上洞淵神呪經卷之四

始四

殺鬼品

道言自伏羲以來壞軍敗將舉衆形殘刀兵
腥死萬萬爲羣或有露尸骨節分張身首他
處或飛或揚精神不得集聚或有身無頭有
足無手有口無目千千萬億遊託自守依山
倚木取人年命人不備知恠亂人心動欲作
崇崇耗田蠶凡百不利惱人家親張生異端
令生人大小疾病六畜暴死口舌官事水火
數起令人不吉此都是汝等世間客死之鬼

與雲中李子教浮遊雲間來往海濱東西南
北乘風駕雀捉人雞犬鳥獸妄作妖恠天橫
生人求其血食俗師所占恐怖生人卜言家
親共作其禍遂生俗道汝等小鬼聞之因便
承峻放石無有不下以凶重加無往不衰害

始四

人元元自謂汝等如是以來世人枉死者半
自今以去大魔王四十八億萬王王有八億
萬小王等各各勅下收取世間一切小鬼何
者疾病主人主人令病危厄甚為困篤恐不
全活汝等速收病人之鬼急去千里若不從

命吾遣大煞將軍九億萬人次次逐汝等斬
之不想也魔王等各各急攝之矣

道言自今若有口舌向人云云者太陰官一
十四萬人殺汝妬鬼若有官事刑獄囚繫之
者尊示君七十二萬人殺汝木索斗枷之鬼

若有水火之炁者吾遣宋銑文曰領風水將
軍二十八萬人殺之令瓦解丁零鬼山圖木
子鬼大殃走死鬼六畜人形鬼五木百魅鬼
蠻夷氏獠鬼北狄羗虜鬼山上鬼山下鬼水
中鬼火中鬼射公萬種鬼十二亂病鬼六畜

奴婢鬼自刺自殺鬼一切大小鬼子自今以
入地千尺勿復令人病困官事者了鬼炁自
散若不去者斬汝等不怒之矣

道言自今以去道士為人治病病人家來迎
子等子等先為作符安十二辰及門戶井竈

始四

二

各各丹書懸之又作吞符三七道一日三時
與病人服之夜亦三服之道士三時為中庭
北向上口章請於轉經行道用三時步虛若
不能作大齋者但即慕道士三時行道若能
作大齋者一一如法耳亦說布施布施者天

神為人可利人耳若不布施經神不祐令人
有病即不瘥矣

十六符 白素朱書依方鎮貼第一二


懸大門第三戶上第四卯第

五巽第六午第七坤第八酉第九乾

第十子十一艮十二家庭十三竈上


十四廁上十五水中令病人吞服

十六宜書二十一道三時服之



懸之


天門




戶上 置之

始四


三




大門 懸之




巽位 東南




卯位 東方



坤位 西南



午位 南方




乾位 西北

始四


四




酉位 西方



艮位 東北




子位 北方




安之
竈上

始四


五




鎮之
家庭



厭解 厭除 盤中 置水



病人吞符
置水中令



貼之
廁上

二七道
吞服符

二七道
吞服符

道言今有三洞大法師法師中最上矣若三界之中有道士男女之人有受者鬼王護之令治病悉瘥人鬼無他自今以去若有道士轉此經疾病不愈仕宦不遷刑獄不解者鬼王青真大魔王等頭破作十二分矣

道言十方諸鬼一切真偽等神一萬八千道
炁三千六萬赤鬼自今以去各各攝汝等下
兵士一切刺之令斥去萬里莫令病虐萬民
也及此間土地之靈若道士行經之處病自
瘥愈萬願從心若一旦不如法者汝等大倫
鬼王頭破作三十分矣

始四

六

道言今世人病者連子所為也天遣十二種
力士收之自今聞太上三洞法師道士救護
病人轉經行道男女之人作齋之家若不助
道士令生人病復不瘥者斬殺之不恕矣

道言連子等八千萬人專行毒炁令人瘟炁
重病今連子三十六萬人下行目痛自今以
去汝等搦汝下地若復不去者鬼王寺頭破
作六十分矣

道言世間無善人善人者天上來耳國王天
信道亦天上來也今有奉三洞之者先世有
其重緣今則聞見也自今以去若道士化行
之地鬼王追逐佐助之有病令瘥矣勿使死
也若一旦不如法者斬之不恕矣
道言世人不信大法是以多有罪人罪人入

地獄鬼兵亂行善惡不別今有一受道者大
魔王紫真孔倫馬延帥崇仇淵等各各助為
作力令道心堅固國主奉之開化愚人若道
士治病之處鬼炁自攝斥去千里若不伏者
魔王等斬之不恕矣

始四

七

道言今十方之鬼則魔王所統也自今以去
不得枉殺良善書藏夜行取人男女道士行
處鬼王佐助莫令惡人邪鬼捕犯道士也若
有人鬼圖向道士施其惡心者一一誅之令
人鬼俱死以明道心太上至言汝等慎之慎

之若一旦不從斬之不恕矣
道言世間罪人有八十九種殺鬼山林水火
風土大鬼三千九百衆大和鬼王領之行萬
種病三十六種六畜之鬼鬼王名都奴領八
十萬小鬼下行惡瘡下血之病復有三千鳥
鬼鬼王名文慶子行赤病白癩病病不可治
有作惡逆不信三洞之要者悉值此惡鳥飛
來下此病病者萬不可瘥也自今以去若有
道士所救之處便令疾病除瘥萬願從心矣
鬼王等遷功萬等也

道言中國有三千九萬人應仙秦川漢蜀三

吳之中孫道留王子寧唐萬生焦石子劉光

之馬承慶荀太初司馬平郭秀之丁太倫樂

法護謝英安費侯王子林元伯任元孫支道

林等三千人為杜蘭香採藥悉來武當宮中

今世道士一心受此三洞法亦得與此仙人

等相俎耳道士但努力自救萬民有厄之者

令得無他汝等行道轉經之地魔王自伏耳

若不伏者次次轉之不怨矣

道言三洞之法神呪為要何以故此經伏一

切大魔王魔王不敢撓之也自今以去若有
道士經行之處魔王等四十九王烏川連子
文吉休馮鄰子等三千六百小王各各護持
此道士勿令捕犯此道士也若爾者當遷汝
等令昇仙無爲矣若不救此道士助惡爲勢

姓四

壞亂正法令道士救治不瘥所爲不允一旦
有惡者魔王等悉坐斬之不恕一一如太上
口勅急急如律令

道言天下有四十九萬惡鬼鬼來令人殮死
行萬種惡炁炁來殺人得道士轉經之時其

疾則止國王因亦信道奉受三洞子孫傳貴
大魔王王子烏純林期八千萬人壬午癸亥
之年領萬鬼殺人已知汝名字自今以去不
得枉殺良民如此者大魔王小鬼等惠信怨
陽之徒各各斬之不恕矣

道言中國壬辰年有真君出世三千萬人主
者一人耳時世多病男女之人壬午年入山
勸化愚人愚人不信道法不受三洞水來淹
殺刀兵交興柰何柰何唯有受經道士魔王
護之終不橫死當令道士治病病無不瘥也

若一旦違法魔王等頭破作十八分矣

道言天下多惡人不知有道見者不從是以
多死耳今有三洞法師人鬼所奉若自今以
去道士轉經行道之處魔王等不得撓之也
若一旦違命鬼王等天斧斬之不恕矣急急

始四

九

如太上口勅律令

道言一一告下三十六天魔王魔王王子等一
切敬受奉行

太上洞淵神呪經卷之四



